

Вазирлар Маҳкамасининг
2025 йил “6” январдаги I -сон қарорига
1-илова

**Давлат мактабгача таълим ташкилотларида аутсорсинг усулида
соғлом овқатлантиришни ташкил этиш тартиби тўғрисида
НИЗОМ**

1-боб. Умумий қоидалар

1. Ушбу Низом Ўзбекистон Республикаси Мактабгача ва мактаб таълими вазирлиги (кейинги ўринларда – Вазирлик) тизимидаги давлат мактабгача таълим ташкилотларида аутсорсинг усулида соғлом овқатлантиришни ташкил этиш тартибини белгилайди.

2. Давлат мактабгача таълим ташкилотларида (кейинги ўринларда – давлат МТТлари) аутсорсинг усулида соғлом овқатлантириш белгиланган тартибда тасдиқланган “Ягона мавсумий таомнома”, санитария қоидалари, нормалари ва гигиена нормативларига мувофиқ шарт-шароитлар яратилган ҳолда ташкил этилади.

3. Мазкур Низомда қуйидаги асосий тушунчалар қўлланилади:

аутсорсер – харид қилиш тартиб-таомиллари яқунлари бўйича ғолиб деб топилган аутсорсинг хизматини кўрсатувчи тадбиркорлик субъекти;

аутсорсинг – Вазирлик тизимидаги давлат МТТларида соғлом овқатлантиришни ташкил этиш хизматларини аутсорсерга ўтказиш;

давлат буюртмачиси – туман (шаҳар) мактабгача ва мактаб таълими бўлими;

иштирокчи – давлат МТТларида аутсорсинг усулида соғлом овқатлантиришни ташкил этиш хизматларини кўрсатиш истагини билдириб, харид қилиш тартиб-таомилида давлат харидларини амалга ошириш учун талабгор сифатида иштирок этувчи тадбиркорлик субъекти;

Мониторинг гуруҳи – аутсорсер томонидан тайёрлаб берилаётган таомларнинг “Ягона мавсумий таомнома”га, санитария қоидалари, нормалари ва гигиена нормативларига мувофиқлиги ҳамда киритилган инвестиция мажбуриятларига риоя этилишини ўрганиб чиқувчи гуруҳ;

овқатлантиришнинг анъанавий усули – давлат МТТларига ошхона учун зарур штат бирликлари ажратилган ва озиқ-овқат маҳсулотлари таъминотчилар томонидан етказиб бериладиган ҳолда тарбияланувчиларни овқатлантириш жараёни;

устама ҳақ – аутсорсернинг даромадини ва барча харажатларни (солиқлар, ходимларнинг иш ҳақи, транспорт хизматлари ҳамда асбоб-ускуналарни таъмирлаш ва улардан фойдаланиш каби) ўз ичига оладиган ҳар бир мавсум учун белгиланадиган бир нафар тарбияланувчини бир кунда

соғлом овқатлантириш нархига нисбатан 30 (ўттиз) фоиздан ошмайдиган устама ҳақ миқдори;

“Ягона мавсумий таомнома” (баҳор, ёз, куз, қиш мавсумлари учун) – давлат МТТларида тарбияланувчиларни санитария қоидалари, нормалари ва гигиена нормативларига мувофиқ тайёр таомларнинг вазни, нархи, таркибидаги маҳсулотлар миқдорлари, технологик карталарни ўз ичига олган ҳамда тўрт фасл учун республика миқёсида қўлланиладиган Вазирлик ҳамда Ўзбекистон Республикаси Соғлиқни сақлаш вазирлиги ҳузуридаги Санитария-эпидемиологик осойишталик ва жамоатчилик саломатлиги кўмитаси томонидан ишлаб чиқилиб, тасдиқланадиган таомномалар тўплами.

4. Ушбу Низом талаблари давлат МТТларида аутсорсинг усулида соғлом овқатлантиришни ташкил этиш бўйича хизмат кўрсатувчи Ўзбекистон Республикасининг резиденти ёки норезиденти бўлган жисмоний ёки юридик шахсларга нисбатан татбиқ этилади.

5. Аутсорсинг усулида соғлом овқатлантириш ушбу Низомга 1-иловада келтирилган схемага мувофиқ ташкил этилади.

2-боб. Аутсорсинг усулида соғлом овқатлантиришни ташкил этишнинг мақсади ва асосий вазифалари

6. Давлат МТТларида аутсорсинг усулида соғлом овқатлантиришнинг мақсадлари қуйидагилардан иборат:

тарбияланувчиларни тўлақонли соғлом овқатлантириш, уларнинг соғлигини мустаҳкамлаш ва таълим-тарбия жараёнини самарали ташкил этишни таъминлаш;

сифатли таомлар тайёрлаш орқали тарбияланувчиларнинг соғлом ва баркамол ўсишини таъминлаш;

таомларни истеъмол қилиш учун гигиеник талабларга мувофиқ шароитлар яратиш;

тарбияланувчиларни санитария қоидалари, нормалари ва гигиена нормативлари талабларига мувофиқ белгиланган тартибда тасдиқланган “Ягона мавсумий таомнома” асосида соғлом овқатлантириш.

7. Аутсорсинг усулида соғлом овқатлантиришни ташкил этишнинг асосий вазифалари қуйидагилардан иборат:

тарбияланувчиларнинг физиологик ёшига мувофиқ озиқ-овқат маҳсулотларига бўлган талабларини инобатга олган ҳолда, уларнинг рационал овқатланишини таъминлаш;

озиқ-овқат маҳсулотлари ва таомларни тарбияланувчиларнинг соғлом ўсишида муҳим аҳамиятга эга бўлган зарур моддалар билан таъминлаш;

озиқ-овқат маҳсулотлари ва таомларнинг хавфсизлиги ҳамда сифатини кафолатлаш;

тарбияланувчилар орасида овқатланиш билан боғлиқ юқумли ва юқумли бўлмаган касалликларнинг тарқалишига йўл қўймаслик;

тарбияланувчилар ўртасида тўғри овқатланиш кўникмаларини шакллантириш;

таомларни тайёрлашда ва озиқ-овқат хом ашёсини сақлашда, ташишда санитария қоидалари, нормалари ва гигиена нормативларига қатъий риоя қилиш;

“Болалар боғчаси” ахборот тизимида (кейинги ўринларда – ахборот тизими) давомати қайд этилган тарбияланувчилар сонидан келиб чиқиб тегишли иш куни учун “Ягона мавсумий таомнома” асосида овқатлантиришни ташкил этиш.

3-боб. Аутсорсинг усулида соғлом овқатлантириш ташкил этиладиган давлат МТТларининг рўйхатини шакллантириш

8. Давлат буюртмачилари аутсорсинг усулида соғлом овқатлантириш ташкил этиладиган давлат МТТлари рўйхатини шакллантириб, Қорақалпоғистон Республикаси Мактабгача ва мактаб таълими вазирлиги, вилоятлар ҳамда Тошкент шаҳар мактабгача ва мактаб таълими бошқармаларига (кейинги ўринларда – ҳудудий бошқармалар) ҳар йили 10 июнга қадар тақдим қилади.

Бунда ушбу рўйхатда ҳар бир давлат МТТларининг қуввати, тарбияланувчилар сони, ошхонасининг ҳолати (таъмирталаблиги, санитария-гигиена ва жиҳозларининг ҳолати, бошқалар) тўғрисидаги маълумотлар акс эттирилади.

9. Ҳудудий бошқармалар давлат буюртмачилари томонидан тақдим этилган аутсорсинг усулида соғлом овқатлантириш ташкил этиладиган давлат МТТлари рўйхатини ўрганиб чиққан ҳолда умумлаштириб, ҳар йили 20 июнга қадар Вазирликка тақдим этади.

10. Вазирлик ҳудудий бошқармалар томонидан тақдим этилган давлат МТТлари рўйхати асосида келгуси молия йилида аутсорсинг усулида соғлом овқатлантириш ташкил этиладиган давлат МТТлари сонини ҳудудлар кесимида ҳар йили 15 июлга қадар белгилайди ва келгуси молия йилида зарур маблағларни режалаштириш учун Ўзбекистон Республикаси Иқтисодиёт ва молия вазирлигига тақдим этади.

11. Вазирлик аутсорсинг усулида соғлом овқатлантириш ташкил этиладиган давлат МТТларининг белгиланган сони, рўйхати ва тегишли маълумотларни ҳар йили 5 августга қадар Вазирлик ҳузуридаги “Таълим соҳасида овқатлантиришни ташкил этиш ва назорат қилиш маркази” давлат муассасасига (кейинги ўринларда – Марказ) тақдим этади.

4-боб. “Ягона мавсумий таомнома”ни ишлаб чиқиш ва нархларни шакллантириш

12. “Ягона мавсумий таомнома” тарбияланувчиларни санитария қоидалари, нормалари ва гигиена нормативларига мувофиқ тайёр таомларнинг

вазни, нархи, таркибидаги маҳсулотлар миқдорлари, технологик карталарни ўз ичига олган ҳолда, тўрт фасл учун республика миқёсида қўлланилади.

“Ягона мавсумий таомнома” Вазирлик ҳамда Ўзбекистон Республикаси Соғлиқни сақлаш вазирлиги ҳузуридаги Санитария-эпидемиологик осойишталик ва жамоатчилик саломатлиги қўмитаси томонидан ҳар йили 1 июлга қадар ишлаб чиқилади ва тасдиқланади.

13. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳар йили 20 августга қадар “Ягона мавсумий таомнома”да кўрсатилган озиқ-овқат маҳсулотларининг ҳар бири бўйича жорий йил тўрт мавсум учун ўртача ҳақиқий бозор нархларини (қўшилган қиймат солиғи билан) Вазирликка тасдиқланган ҳолда тақдим этади.

14. Вазирлик “Ягона мавсумий таомнома”да кўрсатилган озиқ-овқат маҳсулотларининг меъёрлари ва тақдим этилган нархлари (қўшилган қиймат солиғи билан) асосида Қорақалпоғистон Республикаси, вилоятлар ва Тошкент шаҳри бўйича бир нафар тарбияланувчини бир кунда соғлом овқатлантириш нархини ҳар бир мавсум бўйича Ўзбекистон Республикаси Иқтисодиёт ва молия вазирлигига киритади.

Бунда “Ягона мавсумий таомнома”да кўрсатилган озиқ-овқат маҳсулотларининг меъёрлари ва тақдим этилган нархлари асосида ҳар бир мавсум учун белгиланадиган бир нафар тарбияланувчини бир кунда соғлом овқатлантириш нархларини белгилашда, тегишли мавсум учун тузилган ҳар бир “Ягона мавсумий таомнома”нинг ўртача нархлари олинади.

15. Ўзбекистон Республикаси Иқтисодиёт ва молия вазирлиги Вазирлик томонидан киритилган бир нафар тарбияланувчини бир кунда соғлом овқатлантириш нархини келгуси молия йили учун истеъмол нархлари индексининг энг юқори коэффициентидан кам бўлмаган миқдорга оширган ҳолда, келгуси молия йили учун нархни белгилайди.

16. Молия йили давомида озиқ-овқат маҳсулотлари нархлари алоҳида ҳолатларда ошганда, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг нархлар ошганлигининг аниқ сабаблари кўрсатилган таклифларига кўра давлат МТТларининг бир нафар тарбияланувчисининг бир кунда соғлом овқатлантириш нархи Вазирлик ҳамда Ўзбекистон Республикаси Иқтисодиёт ва молия вазирлиги томонидан қайта кўриб чиқилиши мумкин.

5-боб. Аутсорсинг усулида соғлом овқатлантиришни ташкил этиш учун давлат харидларини амалга ошириш

17. Аутсорсинг усулида соғлом овқатлантиришни ташкил этиш учун давлат харидларини амалга ошириш билан боғлиқ тартиб-таомиллар Ўзбекистон Республикасининг “Давлат харидлари тўғрисида”ги Қонуни, Вазирлар Маҳкамасининг “Давлат харидларини амалга ошириш билан боғлиқ тартиб-таомилларни ташкил этиш ва ўтказиш тартиби тўғрисида” 2022 йил

20 майдаги 276-сон қарори ва ушбу Низом талаблари асосида ташкил этилади ва амалга оширилади.

18. Марказ аутсорсинг усулида соғлом овқатлантиришни ташкил этиш учун танловни (тендерни) ташкил этиш учун Харид комиссияси таркибини тасдиқлайди.

19. Келгуси молия йили учун давлат МТТларида аутсорсинг усулида соғлом овқатлантиришни ташкил этиш бўйича харид жараёнлари жорий молия йилининг 25 декабрига қадар амалга оширилади.

Бунда, заруратга кўра, жорий йил учун давлат МТТларида аутсорсинг усулида соғлом овқатлантиришни ташкил этиш бўйича харид жараёнлари жорий молия йили давомида ҳам амалга оширилиши мумкин.

20. Аутсорсинг усулида соғлом овқатлантиришни ташкил этиш бўйича харид ҳужжатлари, шу жумладан, баҳолаш мезонлари ҳамда давлат харидлари билан боғлиқ бошқа ҳужжатлар Марказ томонидан ишлаб чиқилади ва тасдиқланади.

Бунда аутсорсинг усулида соғлом овқатлантиришни ташкил этиш бўйича давлат харидлари бир ёки бир нечта давлат буюртмачилари (туман, шаҳар), шунингдек, бир ёки бир нечта давлат МТТлари кесимида амалга оширилиши мумкин.

21. Иштирокчининг соғлом овқатлантиришни ташкил этиш учун хизмат кўрсатиш устама ҳақи миқдори бўйича таклифи давлат хариди нархи сифатида қабул қилинади ҳамда унинг миқдори 30 (ўттиз) фоиздан кўп ва 15 (ўн беш) фоиздан кам бўлишига йўл қўйилмайди.

22. Иштирокчига нисбатан қуйидаги талаблар қўйилади:

умумий овқатланиш хизматини кўрсатиш бўйича камида икки йиллик тажрибага эга бўлиш;

танловда (тендерда) иштирок этиш учун ариза берилган кундан камида бир ой олдин тегишли ташкилотлардан солиқ қарздорлиги, тўловлар, бошқа мажбурий тўловлар ва молиявий санкцияларнинг мавжуд эмаслиги;

инсофсиз ижрочиларнинг ягона реестрида қайд этилмаган бўлиши;

танловда (тендерда) иштирок этиш учун техник топшириқ ва танлов (тендер) ҳужжатлари талабларига мослиги;

соғлом овқатлантиришни ташкил этиш юзасидан таомлар тайёрлаш технологияси бўйича камида икки йиллик иш тажрибасига эга бўлган малакали мутахассисларга (муҳандис-технолог, диетолог, ошпазлар) эга бўлиши.

23. Харид комиссияси томонидан харид қилиш тартиб-таомили натижаларига кўра ғолиб сифатида белгиланган иштирокчи билан давлат буюртмачиси ўртасида кейинги молия йили учун электрон шартнома имзоланади.

Бунда молия йилидан кейинги йилга ўтувчи шартномаларда шартнома муддати 12 (ўн икки) ой этиб белгиланади.

24. Харид комиссияси қарори билан харид қилиш ҳужжатларида ва таклифда кўрсатилган мезонларга мувофиқ аутсорсернинг таклифидан кейинги энг мақбул таклифни тақдим этган иштирокчи сифатида эътироф этилган захирадаги ғолиб аниқланиши мумкин.

25. Давлат харидларини амалга ошириш жараёни яқунланмаган ёки танлов (тендер) ўтказилмаган деб ҳисобланган тақдирда, шунингдек, аутсорсер билан шартнома бекор қилинганда, ушбу давлат МТТларида аутсорсер аниқлангунга қадар белгиланган тартибда овқатлантириш анъанавий усулида ташкил этилиши мумкин.

Бунда ошхона ходимлари билан меҳнат қонунчилигига мувофиқ муддатли (аутсорсер аниқлангунга қадар) меҳнат шартномаси тузилади.

6-боб. Аутсорсинг усулида соғлом овқатлантиришни ташкил этиш

26. Соғлом овқатлантириш аутсорсинг усулида ташкил этиладиган давлат МТТларининг аутсорсер билан тузиладиган шартнома умумий миқдори (12 ойга) куйидагича ҳисобланади:

$$\text{Шм} = \text{РТ} * (\text{Ос}(\text{қиш}) * \text{Нм}(\text{қиш}) + \text{Ос}(\text{баҳор}) * \text{Нм}(\text{баҳор}) + \text{Ос}(\text{ёз}) * \text{Нм}(\text{ёз}) + \text{Ос}(\text{куз}) * \text{Нм}(\text{куз})) * \text{Ум} * 5 * 4,2$$

Шм – соғлом овқатлантириш аутсорсинг усулида ташкил этиладиган давлат МТТнинг аутсорсер билан тузиладиган шартнома умумий миқдори;

РТ – соғлом овқатлантириш аутсорсинг усулида ташкил этиладиган давлат МТТларининг рўйхатдаги тарбияланувчилар сони;

Ос – тегишли мавсум бўйича (қиш, баҳор, ёз, куз) ойлар сони;

Нм – тегишли мавсум бўйича (қиш, баҳор, ёз, куз) бир нафар тарбияланувчини бир кунда соғлом овқатлантириш нархи;

Ум – аутсорсер учун белгиланган устама ҳақ миқдори, коэффициент ҳисобида олинади (*мисол учун, устама ҳақ миқдори 30 фоизни ташкил қилса, формулада 1,30 коэффициент этиб қўлланилади*).

Бунда молия йилидан кейинги йилга ўтувчи шартномаларда тегишли йилнинг кўрсаткичлари инобатга олинган ҳолда, келгуси йил учун кўшимча келишув тузилади.

Шартноманинг умумий суммаси давлат МТТларининг жорий ва келгуси молия йили учун шакллантириладиган бюджет ва бюджетдан ташқари (отаналар тўловлари ҳисобидан шакллантириладиган) маблағлари бўйича харажатлар сметасида тўлиқ режалаштирилади.

Шартномада кўрсатилган маълумотлар шартнома белгиланган тартибда имзоланган кундан кейинги 3 (уч) иш куни ичида давлат буюртмачисининг

марказлашган молия-бухгалтерия хизмати томонидан ахборот тизимига киритилади.

27. Давлат МТТларида йилнинг мавсумидан келиб чиқиб, “Ягона мавсумий таомнома”да кўрсатилган таомлар танланади. Бунда:

а) аутсорсер томонидан “Ягона мавсумий таомнома”да кўрсатилган кунлик таомлар камида икки иш кунидан олдин ахборот тизими орқали танланади;

б) тегишли иш кунда:

нонушта тайёрлаш учун тарбияланувчилар сони ахборот тизими рўйхатида бир кун олдинги белгиланган тарбияланувчилар сони доирасида аутсорсер томонидан режалаштирилади;

соат 07.00 дан 09.00 га қадар ахборот тизимида қайд этилган тарбияланувчиларнинг давоматидан келиб чиқиб, давлат МТТларида тушлик ва иккинчи тушлик ташкил этилади;

в) аутсорсер томонидан тегишли иш кунда давлат МТТлари тарбияланувчилари учун “Ягона мавсумий таомнома” асосида ахборот тизими орқали тайёрланадиган таомлар белгиланмаган тақдирда, ахборот тизими томонидан навбатдаги кунлик таомлар автоматик равишда танланади ва аутсорсер томонидан ушбу таомлар тайёрланиши мажбурий ҳисобланади;

г) давлат МТТлари директори аутсорсер томонидан “Ягона мавсумий таомнома” асосида танланган кунлик таомлар тўғрисидаги маълумотни ахборот тизими орқали назорат қилади ва бу ҳақидаги маълумотларни Бракераж комиссиясига тақдим этади.

28. “Ягона мавсумий таомнома”да тайёр таомлар вазни, нархи, сарфланган маҳсулотлар тури ва уларнинг миқдорлари кўрсатилади.

29. Аутсорсер томонидан олиб келинаётган барча турдаги озиқ-овқат маҳсулотлари, тез айнийдиган озиқ-овқат маҳсулотлари ҳамда тайёрлаб берилаётган тайёр таомлар сифати, вазни, таркибининг “Ягона мавсумий таомнома”га мувофиқлиги давлат МТТлари ходимлари ҳамда тарбияланувчиларнинг ота-оналаридан ташкил топган давлат МТТларининг Бракераж комиссияси томонидан назорат қилинади.

Давлат МТТлари директорининг Бракераж комиссиясини тасдиқлаш тўғрисидаги буйруғи ҳар йил учун алоҳида қабул қилинади.

Давлат МТТлари тиббиёт ходими Бракераж комиссиясининг раиси бўлиб, унинг таркибига тарбиячи, ошпаз, давлат МТТлари касаба уюшмаси кўмитаси раиси ва тарбияланувчиларнинг ота-оналари ёки уларнинг ўрнини босувчи шахслар вакиллари аъзо сифатида киритилади.

30. Бракераж комиссияси ҳар иш куни аутсорсер томонидан етказиб берилган тайёр таомлар сифатини ўрганиб чиқади ҳамда назорат яқунлари бўйича маълумотларни ушбу Низомга 2-иловага мувофиқ шаклда юритиладиган “Тайёр таомлар сифатини назорат қилиш бўйича бракераж дафтари”да ҳар куни қайд этиб боради.

31. Бракераж дафтари озиқ-овқат маҳсулотларининг сифати, таъми, кунлик синама олинганлиги, овқатни тарқатишга рухсат берилганлиги ҳақидаги маълумотлар белгиланган тартибда тўлдирилиб, ҳар куни давлат МТТлари тиббиёт ходимининг имзоси билан тасдиқланади.

32. Бракераж комиссияси аъзолари томонидан бракераж дафтари юритилишининг доимий мониторинги олиб борилади. Бракераж дафтарининг биринчи саҳифасида Бракераж комиссиясини тасдиқлаш ҳақидаги буйруқдан кўчирма бўлиши, дафтар рақамланган, ип ўтказиб тикилган, давлат МТТлари директори томонидан имзоланган ва муҳрланган бўлиши шарт.

33. Аутсорсер томонидан санитария қоидалари, нормалари ва гигиена нормативларига амал қилиш ҳолатини ўрганиш ҳамда кунлик синамалар олиш давлат МТТлари тиббиёт ходими зиммасига юкланади.

Давлат МТТларида тарбияланувчиларнинг хавфсиз овқатланишини таъминлаш мақсадида ушбу Низомга 3-иловага мувофиқ шаклдаги давлат МТТларига келтирилган хом озиқ-овқат маҳсулотлари сифати ҳақидаги маълумотлар ва 4-иловага мувофиқ шаклдаги тез айнийдиган озиқ-овқат маҳсулотларини қайд этиш дафтари ахборот тизимида давлат МТТлари тиббиёт ходими томонидан юритилади.

34. Тарбияланувчиларни соғлом овқатлантириш умумий типда ёки гуруҳ хоналарида ташкил этилганда, тайёр таомлар “Ягона мавсумий таомнома”да белгиланган миқдорларда ва санитария қоидалари, нормалари ва гигиена нормативларига мос равишда бўлишини таъминлашга давлат МТТлари директори масъул ҳисобланади.

35. Жамоатчилик назорати ва ота-оналар томонидан аутсорсернинг кўрсатилаётган хизмати юзасидан таклиф ва шикоятлар “QR-Feedback” ахборот тизимида киритиб борилиши мумкин.

36. Аутсорсер томонидан шартнома умумий суммасининг камида 3 (уч) фоизидан кам бўлмаган миқдорда у хизмат кўрсатаётган давлат МТТларига инвестиция киритилиши зарур.

Бунда инвестиция шартнома тузилган санадан бошлаб 6 (олти) ой муддат ичида тўлиқ ҳажмда киритилиши лозим.

Инвестиция маблағлари давлат МТТларининг, биринчи навбатда, давлат МТТлари ошхонасининг моддий-техник базасини мустаҳкамлаш, таъмирлаш ва бошқа ишларига, кейинчалик давлат МТТларининг бошқа зарур муаммоларини ҳал қилиш учун сарфланади ҳамда ушбу товар-моддий бойликлар белгиланган тартибда давлат МТТлари балансига кириш қилинади.

37. Аутсорсерга давлат МТТларининг ишлаб чиқариш хоналари, асбоб-ускуналари, идиш-товоқлари ва мебелидан фойдаланганлик учун “ноль” ставкада тўлов белгиланади.

38. Ошхона ва ошхона жиҳозларини таъмирлаш, ўз ходимлари иш ҳақи, уларнинг мажбурий тиббий кўриқдан ўтиши, малака ошириши, ошпазлар

кийими, ошхонада ишлатиладиган зарарсизлантирувчи ва ювиш воситалари билан таъминлаш ишлари аутсорсер томонидан амалга оширилади.

39. Давлат МТТларида аутсорсинг усулида соғлом овқатлантириш фаолиятини юритувчи ошпазларининг малакасини ошириш жараёни Вазирлик томонидан ваколатли идоралар билан биргаликда ишлаб чиқилган ўқув режаси ва дастури асосида ташкил этилади.

40. Аутсорсер томонидан кўрсатилган хизматлар учун тўловлар тарбияланувчиларнинг ҳақиқатда давлат МТТларига келган кунлари сонидан келиб чиқиб ҳисоб-китоб қилинади.

Давлат буюртмачиси томонидан аутсорсерга аутсорсинг хизматлари бўйича “Ягона мавсумий таомнома” асосида бир нафар тарбияланувчини бир кунда соғлом овқатлантириш учун белгиланган нарх ва унга нисбатан олинган устама ҳақ миқдори тўлаб берилади.

41. Аутсорсер ҳар ўн кунда давлат МТТлари директори томонидан тасдиқланган таомнома нусхалари, кўрсатилган хизматлар бўйича ҳисобварақ-фактура ҳужжатлари ҳамда буюртмани тегишли туман (шаҳар) мактабгача ва мактаб таълими бўлимининг марказлаштирилган молия-бухгалтерия хизматига тақдим этади.

Давлат буюртмачиси юқорида қайд этилган маълумотлар асосида аутсорсерга кўрсатган хизматлари учун тегишли маблағларни хизмат кўрсатилган ойдан кейинги ойнинг 15-санасига қадар ўтказиб беради.

42. Аутсорсинг усулида овқатлантириш ташкил этиладиган давлат МТТларида тарбияланувчиларни овқатлантириш Ўзбекистон Республикаси Давлат бюджети маблағлари, ота-оналар тўловдан тушган тушумлар, ҳомийлик маблағлари, қонунчиликда тақиқланмаган бошқа манбалар ҳисобига молиялаштирилади.

Бунда аутсорсинг усулида овқатлантириш ташкил этилган давлат МТТларида ошпаз, ошхона ишчилари штат бирликлари назарда тутилмайди.

43. Аутсорсер томонидан шартнома ва инвестиция мажбуриятлари тўлиқ бажарилганда, ўз фаолияти санитария қоидалари, нормалари ва гигиена нормативларига мувофиқ амалга оширилганда, давлат буюртмачиси ҳамда аутсорсер билан тузилган шартнома харид комиссияси қарорига кўра узайтирилиши мумкин. Бунда:

аутсорсер томонидан таклиф этилган устама ҳақ миқдори ўзгартиришсиз қолдирилади;

аутсорсер билан шартномани икки йилдан ортиқ узайтириш мумкин эмас.

44. Давлат МТТлари ходимларининг ушбу давлат МТТларида овқатланиш аутсорсер билан ходим ўртасида тузилган шартномага мувофиқ тўлов асосида ташкил этилади.

7-боб. Аутсорсер ва давлат буюртмачисининг ҳуқуқ ва мажбуриятлари

45. Аутсорсер қуйидаги ҳуқуқларга эга:

давлат МТТларида ҳар кунлик ҳақиқатда бўлган тарбияланувчилар сонига қараб уларни овқатлантириш учун эҳтиёждан ошмаган ҳолда фойдаланиладиган коммунал хизматлар учун сарфланадиган харажатлар давлат МТТларига ажратилган бюджет маблағлари доирасида қопланишини талаб қилиш;

давлат МТТлари ошхонасининг ишлаб чиқариш хоналари, асбоб-ускуналари, идиш-товоқлари, мебелидан шартнома амал қилиш даврида текин фойдаланиш ва уларнинг ишчи ҳолатда сақланишини назорат қилиш;

давлат МТТларига кўрсатган хизматлари учун тўловни ўз вақтида олиш;

давлат МТТларида ҳақиқатда кўрсатилган хизматлар бўйича томонлар ўртасида имзоланиб, тасдиқланган далолатнома асосида тўловни амалга ошириш юзасидан мурожаат қилиш.

Аутсорсер қонунчилик ҳужжатларига мувофиқ бошқа ҳуқуқларга ҳам эга бўлиши мумкин.

46. Аутсорсерга қуйидаги мажбуриятлар юкланади:

харид қилинаётган озиқ-овқат маҳсулотлари ва фойдаланиладиган жиҳозларнинг санитария қоидалари, нормалари ва гигиена нормативларига мувофиқлигини таъминлаш;

тарбияланувчиларни соғлом овқатлантириш хизматини давлат МТТлари ошхонасининг ўзида тўлиқ ва сифатли ташкил этиш;

таомларни амалдаги санитария қоидалари, нормалари ва гигиена нормативларига ҳамда овқат тайёрлаш технологиясига тўлиқ амал қилган ҳолда тайёрлаш;

таомлар тайёрлаш технологияси бўйича соҳа мутахассислари (муҳандис-технолог, диетолог, ошпазлар) билан таъминлаш;

“Ягона мавсумий таомнома” бўйича тайёр таомларнинг вазни, таркибидаги маҳсулотлар миқдори тўғри бўлишини ҳамда технологик карталарнинг тўғри юритилишини таъминлаш;

технологик жиҳозлар ва асбоб-ускуналарини мунтазам равишда жорий таъмирлаб бориш;

Мониторинг гуруҳи, худудий бошқарма ҳамда давлат буюртмачиси томонидан ўтказиладиган мониторинг жараёнларига тўсқинлик қилмаслик ва сўралган маълумотларни ўз вақтида тақдим қилиш;

шартнома умумий суммасининг камида 3 (уч) фоизи миқдорида хизмат кўрсатаётган давлат МТТларига инвестиция киритиш;

ошпазларни белгиланган тартибда тиббий кўриқдан ўтган ҳолда ишга қабул қилишни ва ўз маблағлари ҳисобидан уларнинг ҳар уч йилда камида бир марта малака оширишини таъминлаш.

Аутсорсерга қонунчилик ҳужжатларига мувофиқ бошқа мажбуриятлар ҳам юкланиши мумкин.

47. Давлат буюртмачиси қуйидаги ҳуқуқларга эга:

аутсорсинг усулида овқатлантириш учун қўйилган талаблар бажарилишини ҳамда тайёр таомлар сифатининг “Ягона мавсумий таомнома”га мувофиқлигини мониторинг қилишда иштирок этиш;

харид қилинаётган озиқ-овқат маҳсулотлари ва тайёрланаётган таомлар, уларда фойдаланиладиган технологик санитария нормалари, қоидалари ва гигиена нормативларига мослигини, ошхоналар ходимларининг санитария-гигиена тадбирлари ва эпидемияга қарши тадбирлар бажарилишига риоя этилишини тасдиқланган режага асосан назорат қилиш.

Давлат буюртмачиси қонунчилик ҳужжатларига мувофиқ бошқа ҳуқуқларга ҳам эга бўлиши мумкин.

48. Давлат буюртмачисига қуйидаги мажбуриятлар юкланади:

аутсорсернинг хизмат кўрсатиш билан боғлиқ коммунал хизматлари харажатларини белгиланган нормалар асосида давлат МТТларига ажратилган бюджет маблағлари доирасида қоплаш;

аутсорсерга технологик жиҳозлар, ошхона ва омборхоналар, асбоб-ускуналар, идиш-товоқлар ва мебеллардан ижара шартномаси асосида вақтинча фойдаланиш учун ноль ставкада топшириш ва уларнинг ишчи ҳолатда сақланишини назорат қилиш;

кўрсатилган хизматлар учун шартномада белгиланган миқдор ва муддатда тўловни амалга ошириш.

Давлат буюртмачисига қонунчилик ҳужжатларида назарда тутилган бошқа мажбуриятлар ҳам юкланиши мумкин.

8-боб. Мониторинг гуруҳи

49. Аутсорсернинг мажбуриятлари бажарилиши юзасидан Вазирлик томонидан Мониторинг гуруҳи ташкил этилади.

Мониторинг гуруҳи таркиби Вазирлик, Марказ, Ўзбекистон Республикаси Соғлиқни сақлаш вазирлиги ҳузуридаги Санитария-эпидемиологик осойишталик ва жамоатчилик саломатлиги қўмитаси, ҳудудий бошқармалар, туман (шаҳар) иқтисодиёт ва молия бўлимлари, Ўзбекистон Аутсорсинг хизматлари кўрсатувчи корхоналар уюшмаси, туман (шаҳар) мактабгача ва мактаб таълими бўлими вакилларидан шакллантирилади.

Мониторинг гуруҳи Вазирлик томонидан тасдиқланадиган мониторинг юритиш режа-жадвалига мувофиқ ғолиб деб топилган аутсорсер мажбуриятларининг бажарилиши юзасидан мониторинг юритади.

50. Мониторинг гуруҳи аутсорсер “Ягона мавсумий таомнома” ҳамда санитария қоидалари, нормалари ва гигиена нормативлари асосида фаолият юритаётгани, тайёр таомларнинг вазни, нархи, таркибидаги маҳсулотлар миқдорлари, таом тайёрлашда технологик карталардан фойдаланаётгани, киритилган инвестиция миқдори ва нархи, технологик жиҳозлар ва асбоб-ускуналарини мунтазам равишда жорий таъмирлаб борилиши юзасидан мониторинг ўтказилади.

51. Мониторинг гуруҳи мониторинг ўтказиш жараёнида аутсорсер томонидан йўл қўйилган камчиликлар бўйича белгиланган тартибда далолатнома расмийлаштирилади ҳамда Марказга тақдим этади.

52. Марказ Мониторинг гуруҳи томонидан тақдим этилган далолатномадаги камчиликларни ўрганиб чиққан ҳолда, аниқланган камчиликларни бартараф этиш тўғрисида аутсорсерга огоҳлантириш беради.

53. Огоҳлантиришда белгиланган муддат давомида аутсорсер томонидан камчиликлар бартараф этилмаган тақдирда, харид комиссияси аутсорсер билан шартномани бир томонлама бекор қилиш тўғрисида қарор қабул қилади ва давлат буюртмачисига юборади.

Аутсорсер билан шартномани бир томонлама бекор қилиш тўғрисида қарор қабул қилинганда, шартнома тузиш ва унга доир мажбуриятларни бажариш ҳуқуқи захирадаги ғолибга ўтади. Бунда захирадаги ғолиб аутсорсер томонидан таклиф этилган устама ҳақ миқдорида шартнома тузиши ёки шартнома тузишни рад этиши мумкин.

54. Аутсорсинг усулида овқатлантиришни ташкил этиш бўйича мониторинг 5-иловадаги схемага мувофиқ амалга оширилади.

55. Давлат буюртмачиси мониторинг натижалари юзасидан аутсорсер шартномадаги мажбуриятларни бажармаган ёки лозим даражада бажармаган тақдирда, аниқланган камчиликлар тўғрисида ҳудудий бошқармаларга мазкур ҳолатлар бўйича маълумот киритади, ҳудудий бошқармалар киритилган маълумотларни умумлаштирган ҳолда Вазирлик ҳамда Марказга тақдим этади.

56. Мониторинг гуруҳи “QR-Feedback” ахборот тизимида жамоатчилик назорати ва ота-оналардан келиб тушган шикоят ва таклифларни мувофиқлаштириб боради ҳамда ўрганиш натижаси тўғрисида Марказга доимий равишда маълумот киритиб боради.

11-боб. Яқунловчи қоида

57. Ушбу Низом талаблари бузилишида айбдор бўлган шахслар қонунчилик ҳужжатларига мувофиқ жавоб беради.

Давлат мактабгача таълим ташкилотларида
аутсорсинг усулида соғлом овқатлантиришни
ташкил этиш тартиби тўғрисидаги низомга
1-илова

**Аутсорсинг усулида овқатлантиришни ташкил этиш
СХЕМАСИ**

Босқичлар	Субъектлар	Тадбирлар	Муддатлар
1-босқич	Туман (шаҳар) мактабгача ва мактаб таълими бўлимлари	Аутсорсинг усулида соғлом овқатлантиришни ташкил этиш учун тавсия этиладиган мактабгача таълим ташкилотлари рўйхатини шакллантириб, Қорақалпоғистон Республикаси Мактабгача ва мактаб таълими вазирлиги, вилоятлар ва Тошкент шаҳар мактабгача ва мактаб таълими бошқармаларига тақдим этади. Рўйхатда ҳар бир ташкилотнинг куввати, тарбияланувчилар сони, ошхонасининг ҳолати (таъмирталаблиги, санитария-гигиена ва жиҳозларининг ҳолати ҳамда бошқалар) тўғрисидаги маълумотлар акс эттирилади.	Ҳар йили 10 июнга қадар
2-босқич	Қорақалпоғистон Республикаси Мактабгача ва мактаб таълими вазирлиги, вилоятлар ва Тошкент шаҳар мактабгача ва мактаб таълими бошқармалари	Туман (шаҳар) мактабгача ва мактаб таълими бўлимлари томонидан тақдим этилган аутсорсинг усулида соғлом овқатлантириш ташкил этиладиган давлат МТТлари рўйхатини ва тегишли маълумотларни ўрганиб чиққан ҳолда умумлаштириб, Мактабгача ва мактаб таълими вазирлигига тақдим этади.	Ҳар йили 20 июнга қадар
3-босқич	Мактабгача ва мактаб таълими вазирлиги, Санитария-эпидемиологик осойишталик ва жамоатчилик саломатлиги қўмитаси	Тарбияланувчиларни санитария қоидалари, нормалари ва гигиена нормативларига мувофиқ тайёр таомларнинг вазни, нархи, таркибидаги маҳсулотлар миқдорлари, технологик карталарни ўз ичига олган ҳолда, тўрт фасл учун “Ягона мавсумий таомнома” ҳамда технологик картасини ишлаб чиқади ва тасдиқлайди.	Ҳар йили 1 июлга қадар
4-босқич	Мактабгача ва мактаб таълими вазирлиги	Худудий бошқармалар томонидан тақдим этилган давлат МТТлари рўйхати асосида келгуси молия йилида аутсорсинг усулида соғлом овқатлантириш ташкил этиладиган давлат МТТлари сонини худудлар кесимида белгилайди ва Иқтисодиёт ва молия вазирлигига тақдим этади.	Ҳар йили 15 июлга қадар

5-босқич	Мақтабгача ва мақтаб таълими вазирлиги	Аутсорсинг усулида соғлом овқатлантириш ташкил этиладиган давлат МТТларининг белгиланган сони, рўйхати ва тегишли маълумотларни Таълим соҳасида овқатлантиришни ташкил этиш ва назорат қилиш марказига тақдим этади.	Ҳар йили 5 августга қадар
6-босқич	Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари	“Ягона мавсумий таомнома”да кўрсатилган озиқ-овқат маҳсулотларининг ҳар бири бўйича жорий йил тўрт мавсуми учун ўртача бозор нархларини (қўшилган қиймат солиғи билан) Мақтабгача ва мақтаб таълими вазирлигига тасдиқланган ҳолда тақдим этади.	Ҳар йили 20 августга қадар
7-босқич	Мақтабгача ва мақтаб таълими вазирлиги	“Ягона мавсумий таомнома”да кўрсатилган озиқ-овқат маҳсулотларининг меъёрлари ва тақдим этилган нархлари (қўшилган қиймат солиғи билан) асосида Қорақалпоғистон Республикаси, вилоятлар ва Тошкент шаҳри бўйича бир нафар тарбияланувчини бир кунда соғлом овқатлантириш нархини ҳар бир мавсум бўйича Иқтисодиёт ва молия вазирлигига киритади.	Ҳар йили 15 сентябрга қадар
8-босқич	Иқтисодиёт ва молия вазирлиги	Мақтабгача ва мақтаб таълими вазирлиги томонидан киритилган бир нафар тарбияланувчини бир кунда соғлом овқатлантириш нархини келгуси молия йили учун истеъмол нархлари индексининг энг юқори коэффициентидан кам бўлмаган миқдорга оширган ҳолда, келгуси молия йили учун бир нафар тарбияланувчини бир кунда соғлом овқатлантириш нархини белгилайди.	Ҳар йили 1 октябрга қадар
9-босқич	Таълим соҳасида овқатлантиришни ташкил этиш ва назорат қилиш маркази	Ўзбекистон Республикасининг “Давлат харидлари тўғрисида”ги Қонунининг асосий принципларига қатъий риоя этган ҳолда, давлат харидларини амалга оширади.	Ҳар йили 15 декабрга қадар (заруратга кўра йил давомида)
10-босқич	Туман (шаҳар) мақтабгача ва мақтаб таълими бўлимлари	Ғолиб аутсорсерлар аниқланган баённомаларига мувофиқ белгиланган тартибда шартномалар тузади.	Ҳар йили 25 декабрга қадар (заруратга кўра йил давомида)

Давлат мактабгача таълим ташкилотларида
аутсорсинг усулида соғлом овқатлантиришни
ташkil этиш тартиби тўғрисидаги низомга
2-илова

Давлат мактабгача таълим ташкилотларида
тайёр таомлар сифатини назорат қилиш бўйича бракераж дафтари
НАМУНАСИ

Тайёр овқатнинг номланиши	Баҳоланиши			Синама олинган вақти	Тиббиёт ходимининг рухсати	Имзо
	таомноманинг бажарилиши	сифати	овқат тайёрлаш технологиясига риоя қилинганлиги			
20__ йил _____						
Нонушта						
Тушлик						
Иккинчи тушлик						
Кечки овқат						
20__ йил _____						
Нонушта						
Тушлик						
Иккинчи тушлик						
Кечки овқат						

Давлат мактабгача таълим ташкилотларида
аутсорсинг усулида соғлом овқатлантиришни
ташkil этиш тўғрисидаги низомга
3-илова

**Давлат мактабгача таълим ташкилотларига келтирилган
хон озик-овқат махсулотлари сифати ҳақидаги
МАЪЛУМОТЛАР**

Аутсорсер (ташкilot номи)	Махсулот келтирилган сана	Махсулот номи	Микдори (кг, литр, дона)	Баҳолаш		Бракераж комиссияси рухсати	Бракераж комиссияси аъзоси имзоси
				махсулот сифатини органолептик усулда баҳолаш	сифатсизлик аломатларини изоҳлаш		

Давлат мактабгача таълим ташкилотларида
аутсорсинг усулида соғлом овқатлантиришни
ташкил этиш тартиби тўғрисидаги низомга
4-илова

**Давлат мактабгача таълим ташкилотларида сифати тез айнийдиган
озиқ-овқат маҳсулотларини назорат қилиш бўйича дафтар
НАМУНАСИ**

Т/ Р	Аутсорсер (ташкилот номи)	Маҳсулотнинг келган вақти ва санаси	Сифати тез айнийдиган маҳсулотлар ва уларнинг миқдори (кг, литр, дона)	Сифати ҳақида маълумот	Фойдаланиш муддатининг охирги санаси ва вақти	Имзо
1.						
2.						
3.						
4.						
5.						
...						

Давлат мактабгача таълим ташкилотларида
аутсорсинг усулида соғлом овқатлантиришни
ташкил этиш тартиби тўғрисидаги низомга
5-илова

**Аутсорсинг усулида овқатлантиришни ташкил этиш
бўйича мониторинг юритиш
СХЕМАСИ**

Босқичлар	Субъектлар	Тадбирлар	Муддатлар
1-босқич	Мактабгача ва мактаб таълими вазирлиги	Мониторинг юритиш юзасидан режа-жадвални тасдиқлайди ҳамда худудий бошқармалар ва давлат буюртмачиларига тақдим этади.	Ҳар чорақда
2-босқич	Мониторинг гуруҳи	Ғолиб деб топилган аутсорсернинг мажбуриятлари бажарилиши юзасидан ҳар чорақда мониторинг юритади.	Ҳар чорақда
3-босқич	Мониторинг гуруҳи	Аутсорсер томонидан тайёрлаб берилётган таомларнинг “Ягона мавсумий таомнома”га, санитария қоидалари, нормалари ва гигиена нормативларига мувофиқлигини ҳамда киритилган инвестиция мажбуриятлари ижросини ўрганади. Камчиликлар аниқланган тақдирда, белгиланган тартибда далолатнома расмийлаштиради ва Таълим соҳасида овқатлантиришни ташкил этиш ва назорат қилиш марказига маълумот киритади.	Йил давомида заруратга кўра
4 босқич	Таълим соҳасида овқатлантиришни ташкил этиш ва назорат қилиш маркази	Аниқланган камчиликларни бартараф этиш бўйича муддатни белгилайди ва бу ҳақда аутсорсерга огоҳлантириш беради.	Йил давомида заруратга кўра
5-босқич	Харид комиссияси	Огоҳлантиришда белгиланган муддат давомида аутсорсер томонидан камчиликлар бартараф этилмаган тақдирда, аутсорсер билан шартномани бир томонлама бекор қилиш тўғрисида қарор қабул қилади ҳамда туман (шаҳар) мактабгача ва мактаб таълими бўлимларига юборади.	Йил давомида заруратга кўра
6-босқич	Туман (шаҳар) мактабгача ва мактаб таълими бўлимлари	Харид комиссияси қарорига асосан амалдаги аутсорсер билан шартномани бекор қилади ва захирадаги ғолиб билан шартнома тузади.	Йил давомида заруратга кўра